



## Universitätsbibliothek Paderborn

**Elogia Societatis Iesu Sive Propvgnacvlvm: Pontificum,  
Conciliorum, Cardinalium, Antistitutum, nec non  
Imperatorum, Regum, Principum & aliorum Virtute,  
Religione, omniq[ue] Literatura illustrium (etiam ...**

**Gomez, Cristobal**

**Antverpiæ, 1681**

Romani n. 3

**urn:nbn:de:hbz:466:1-38486**

è tripode pronunciarunt pœnis haud modicis in refractarios, & contumaces blaterones indictis protinus influgendis. Dat. 7. Mar. ann. 1625.

3. A ROMANIS : Quorum Consilio expendenda dederat Societas Priuilegia, de quibus in Gallia minuendis agebatur. At Sacri Quæsitores causa Priuilegiorum accuratè considerata, tandem in hanc sententiam conuenerunt. Priuilegia Patribus Societatis in Vinea Domini operantibus, à summis Pontificibus recte concessa, & prudenter, vtiliterque ab ipsis exercita, nec reuocanda, nec minuenda, nec vlla præfinitione loci ac temporis videri, nunc quidem limitanda. Ita Par.5. Hist. Soc. Tom.1. lib.6. num.68.

4. A VALLISOLETANIS : Cum speciatim vexaretur Societas tanquam Confessiones retegeret, adeo feda maxime per Hispaniam hæc fama percrebuit, vt Borgia profiteretur, haud seueriores alias in Societatem procellas extitisse. Ille quidem tam diuersis pulsatibus sermonibus, Vallisoleti Quæsitores conuenit, rogauitque, edicerent ipsi Orthodoxæ doctrinæ Custodes quid tenendum in eo genere videretur. Quippe Societatem neque huic, neque diuerte affixam sententia, id modo cupere recta ire via; proque tenuitate sua fideliter, ac sapienter Deo Domino, salutique hominum deseruire. Cui responsum est: Qua ratione in Confessionibus audiendis Societas vteretur, eam sancti Officij Collegio vehementer placere; solicitudinem omitterent, suoque ritu cœptis instarent, ipsos aduersis rumoribus occursumos. Ita Par.2. Hist. Soc. lib.2. num.132.

5. A CÆSARAVGVSTANO : Qui aduersus Decretum illud Sorbonicum in Societatis, & Apostolicæ Sedis contemptum euulgatum pro potestate edixit, vt quisquis ea super re scripta haberet, ad sanctum Tribunal afferret: grauiusque de eo negotio obloquentes, tanquam de Pontificia, ac legitima Religiosi Ordinis approbatione male sentientes Sacro Magistratu indicarent. Ita Par...Hist. Soc. lib.16.num.46. Sic Societatis famam Inquisitoris amor restaurauit.

Eius Priuilegia ex  
pensa, &  
integra  
seruanda  
decernitur.

Contra ca-  
lumniato-  
res propu-  
gnata So-  
cietas.

Et contra  
Sorboni-  
cum decre-  
tum.